

**Nuup-Kangerluani qipoqqaat piniarneqarsinnaanerisa aamma pissanneqarsinnaanerisa inerteqqutigineqarnerannik Kommuneqarfik Sermersuup kommunimi ileqqoreqqusaa.**

Piniarneq aallaaniarnerlu pillugit Inatsisartut inatsisaat nr. 12, 29. oktober 2019, § 8, imm. 3 aamma § 17, imm. 2, aamma Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi § 33 naapertorlugit, aalajangersarneqarpoq:

*Atuuffik*

§ 1. Ileqqoreqqusaq Nuup Kangerluanut atuuppoq aamma sumiiffimmut Nuup eqqaaniittumut Kangerup, Kitsissut, Angisunnguup aamma Aqissersiorfiup akornanniittumut, ilanngusaaq 1-imi nalunaarsorsimasutut.

*Qipoqqarnik piniarsinnaanermut pissaasinnaanermullu aalajangersakkat*

§ 2. § 1-imi sumiiffinni taaneqartuni qipoqqarnik pissaaniarneq aamma piniarneq inerteqqutaavoq.

*Pineqaatissiissutit*

§ 3. Ileqqoreqqusami matumani § 2-mik unioqqutitsineq akiligassinneqarnermik aamma arsaarinninnermik pineqaatissiissutigineqarsinnaavoq. Pineqaatissiissutigineqartut akiliisitsissutit aamma arsaarinnissutigineqartut Nunatta Karsianut nakkartinneqassapput.

*Atortuulersinneqarnera*

§ 4. Kommunemi ileqqoreqqusaq una ullormi 16.06. 2021-mi atuutilerpoq.

Kommuneqarfik Sermersuumi kommunalbestyrelsep ullormi 2. marsi 2021-mi taamatut akuersissutigivaa.



**Charlotte Ludvigsen**  
Borgmesteri

Nuup Kangerluani Kommuneqarfik Sermersuumiittumi qipoqqaat piniarneqarsinnaanerannut aamma pissanneqarsinnaanerannut inerteqqut pillugu ileqqoreqqusaaq atortuulersinneqarpoq.

Namminersorlutik Oqartussat, ulloq 16.06 2021.



**Aqqaluaq B. Egede**  
Aalisarnermut Piniarnermullu Naalakkersuisoq